

Ленинэнь киява

ВЛКСМ-нь Мокшэрзянь обкомонь ды Сарансконь ошонь комитетэнь газетаст

МАЕНЬ

15 чи,

1937 ие

№ 54 (728)

ЛСССР

7-дө ие
чинь штызь

МАШТОМС БЕСПЕЧНОСТЕНЬ, КЕПЕДЕМС БДИТЕЛЬНОСТЕНЬ

ВКП(б) нь ЦК-нь Пленумсонь 1937 иень мартонь колмоце чистэ Сталин ялгась кортась эсь докладсонзо, што: „эряви мельсэ кирдемс ды зярдок а стувнемс, што капиталистической окружениясь ашти основной фактокс, кона определяет Советской Союзонть международной положениязо“. Вана мекс, корты седе тов Сталин ялгась „эряви мельсэ кирдемс ды а стувнемс, што зярс ули капиталистической окружения, — кармить улеме вредительтькак, диверсантькак, шпионтъкак, террористъкак, конатнень кучнить Советской Союзонть тылс омбо масторонь государстватнень разведывательной органтизэ, кирдемс мельсэ теень ды ветьамс бороцямо сетне ялгатнень каршо, конатне мезекскяк а ловить капиталистической окружениянь факторть значениязо, конат мезекскяк а ловить вредительстванть виензэ ды значениязо“.

Сталин ялганть исторической неть указаниятнень эряви парсте чаркодемс эрва комсомолецтнень ды советской эрва честной одломанентень. Чаркодемс Сталин ялганть неть валтнень эряви истия, штобу теямс эйстэ эрявикс выводит эсь роботань вадрялгавтомасонть, большевизманть тонавтнемасонть, критиканть ды самокритиканть виевгавтомасонть, революционной бдительностень кепедемасонть, кадратнень, домантьтнень тонавтнемасонть ды куш кодамо чамаксоо кекшесэ мадонть содамонть, юрнэк сонзэ таргамонть ды маштоманть коряс.

Малавгак аволь истия ашти тересь минек Мокшэрзянь комсомольской организациясонть, косо ланга-права тонавтнизь Сталин ялганть докладонзо ды заключительной валонзо. Ды эряви видьстэ меремс, што минек ламо организацият эстэ кодаткак выводит эзть тейть. Васняк жо эряви меремс, што эзть тейть эрявикс выводит ВЛКСМ-нь обкомось ды сонзэ секретаресь Иванов ялгась, комсомольской газетатнень редакцияне ды сынст редактортнэ, конатне те шкас кодак а пичкавовать идиотской орманть эйстэ — беспечностень эйстэ. Саты евтамс ансяк сень, што аволь нурыкине шкань перть ветьаст контрреволюционной работа комсомольской газетатнесэ народонь врагтнэ — Виард (Ардеев), Платонов, Порватов, Пьянзин, Клешунов ды лияне.

Республиканской комсомольской активесь мерсь эсь решениясонзо, што „комсомольской газетатне „Ленинэнь киява“ ды „Комсомолонь вайгаль“ беряньстэ невтить комсомольской областной организациянь эрямонзо, а критиковить ВЛКСМ-нь обкомонть ды комсомольской областной организациятнень, а максить эрявикс лезкс пропагандисткой роботанть аравтома сонзо“. Теде башка активесэнь кортасть, што газетатнесэ эрсить политической ды технической ламо ильведкст. Активесь вешсь одкс теямс газетатнень роботаст, но теень лангс апок вант минек газетатне эсист роботаст одкс а теить.

Апрелень 29-це чистэ „Комсомолонь вайгаль“ газетась (редакторось Ларионов) печатыве В. Молотов ялганть статьяно ды истия сонзэ тапаризе, што косо-косо мезек а чаркодять, кой-кона таркатнесэ жо лиссь кснтрреволюция Сень лангс апок вайт, што газетась лиссь политической покшильведкст марто, редакторось Ларионов сонзэ волдызе. Омбоце номерсэнь газетась макссь витевкс, конаньсэ тейть эщо седеяк ламо политической ильведкст. Эряви меремс, што „Комсомолонь вайгаль“ газетась активень критиканть лангс апок вант, тейни эщо седеяк седейстэ корс а кирдевиця ильведкст. Ды сестэ, зярд те редакциясонть таргазь лангс прок трокист ответсекретаресь Порватов, конась самай извратил Молотов ялганть статьяно, пек парсте чаркодеви, мекс лиснесть политической ламо ильведкст ды лия тевть. Теке жо газетась („Комс. вайгаль“) ды сонзэ редакторось Ларионов макснесь газетань сграницатнень арендас народонь врагонть трокистэнтень Виарднень (Ардеевнень). Но теень лангс апок вант ВЛКСМ-нь обкомось ды газетань редактортнэ Ларионов ды Люпаев те шкас мезек эзть тее сень кис, штобу парсте ванномс редакционной весе роботниктнень, пансецэ тастэ враждебностень ды амштовиктнень ды кочкамс тов роботамо проверенной ды выдержанной ломанть.

Мельсэ шканть минек республиканской комсомольской организациясонть таргазь лангс аволь аламо трокистт ды лия враждебной элементт. Эряви видьстэ меремс, што сынст эйсэ лангс таргсить аволь минек комсомольской организациятне. Лисни те весе секс, што обкомось эзизе тее одс роботанзо, эзь машто виевгавтомс организациясонть критиканть ды самокритиканть, течень чис сезезь райкомтнень ды первичной организациятнень эйстэ.

Республиканской активесь ды ВЛКСМ-нь обкомонть меельсэ пленумось вешсь обкомонь бюронть пельде парсте ванномс комсомольской руководящей весе кадратнень, панемс юткост а маштовикс ды враждебной элементнень. Те роботанть обкомось эзь кундсе.

Фашизмась эсинзэ рудазов ды веревь кедензэ венсти минек масторонь сехте важной таркатненень, штобу шпионажсо, диверсиясо ды вредительствасо лавшомгавтомс весе масторонь пролетарийтнень социалистической государстванть сынст ендэ анокставикс каявомань шканть. Теень эряви весеменень пачк кирдемс мельсэ ды повнямс, што японо германской трокистской шпионтнэ улить аволь ансяк границатнень лангсо, но сынст рудазов кедест венстязь минек масторонть потмовгак, секс минек родинань эрва верной церанть, эрва верной тейтерентень свал эряви улемс аноккс, штобу юрнэк таргсемс ды пощадавтомо громамс шпионтнень, вредительтнень ды диверсантнень, кодамо флагов бу сын аволь кекшесэ.



СНИМКАСОНТЬ: РСФСР-нь государственной од гербось.

РАСТОРГУЕВ ПЛАНЕРИСТЭНТЬ СЕРМАЗО СТАЛИН ЯЛГАНТЕНЬ

Вечкевикс Иосиф Виссарионович!

Грошев комсомолецтнень конструкторья „ГН-7“ вейке тарка марто планерсэнь монтеинь прямойга васоло таркав ливтямонь международной од рекорд, ливтинь 539 километрат 623 метрат. Кенярдомань неть читнестэ монь ули мелем евтамс Тетс сень, кода пек вечктян ды еван благодарност минек од доманьтнеде мелявтоманть кис. Еван пси благодарност партианть ды комсомолонтень, конат монь тонавтнизь ды кастымизь. Максан Тетс вал, што а ойман теезэнь лангс, карман молеме яла седе васов икелев, парстине тонавтнеса ливтнемань теветень, карман тееме од рекордт.

В. РАСТОРГУЕВ.
Советской планеризмань мастертесь.

РАСТОРГУЕВОНЬ РЕКОРДНОЙ ЛИВТЯМОЗО

Советской планеризмань мастертесь комсомолецт В. Л. Расторгуев те иень маень 5-це чистэнь вейке тарка марто „ГН-7“ планерсэнь тейсь прямоень коряс васоло таркав ливтямонь рекорд. Маршрутось истямо: Москов, Тушинской аэродром (косто нолдазь ливтямо планерсь) — Девица веле (Воронежнь область), козонь озась планерсь. Те юткось — 539 километрат 623 метрат — ютазь козоньгак апок валгоне.

СССР-нь Косарев лемсэ Центральной аэроклубонть спортивной комиссиясь Расторгуев ялганть ливтямонзо ловизе вейке тарка марто планерсь „Д“ классонть коряс прямойга васоло таркав ливтямонь весесоюзной рекордокс. Материалтнэ максозь Международной Авиационной Федерациянь (ФАИ) президиумонтень, штобу Расторгуев ялганть ливтямонзо ловомс международной рекордокс.

Москов. ВЛКСМ-нь ЦК-в — Косарев ялганть „Комсомольской правданть“

Комсомолонь Национальной VIII-це с'ездэнь делегаттнень ды с'ездэнь васенце панжозь заседаниянь 20 тышат участниктнень пельде Тонет ды Ленинской комсомолонтень кучтано минек пси поздоровт.

Социализмань строительствасонть

тынк успехтнэ, конань теинк Сталин ялганть ветьамонзо коряс, минек туртов аштить кинь невтиця маякокс ды меленек кастыця эрва шкань источникс.

США-нь комсомолонь Национальной Советсь.
Нью Йорк. 1937 ие маень 8-це чи.

РСДРП-нь ВЕТЕЦЕ С'ЕЗДЭСЬ

АЛ. АБРАМОВ

Колонгемень иеде икеле (1907 иень маень 13-це—июнь 1-це читнестэ) Лондонсо пурнавсь Российской Социал-Демократической Робочей Партиянь V-це С'ездэсэ. Большевицской партиянь историясонзо те с'ездэсэ сая покш тарка: сон ульнесь революциянь ды реакциянь ютксо шкастонть. 1905—1907 иетнестэ революциясь лепштызель, тень кувалт революционной волнаськак вишкалгась. Но пролетариатонть икеле молиция слойтне эрва кода бажаст лоткавтомс потамонть ды массатнень анокстамс од бойс самодержавиянь ды помещиктнень каршо.

V-це с'ездэнь васня арсесть пурнамс Копенгагенс (Даниянь столицас). Тов пурнавкшность уш весе делегаттнэ. Но Даниянь правительствасэ эзь мере панжомс с'ездэнь. Даниясто снартнестэ тугемс Швецияв, но тосояк эзь мере ютавтомс с'ездэнь. Мейле с'ездэнь весе делегаттнэ молюсь Лондонов, ды тосо, кувать шиттемадо мейле, икелень „Братствань церькувасонть“ панжовсь V-це с'ездэсэ.

С'ездэнь весемезэ ульнестэ 336 делегатт, сынст эйстэ большевикт ульнестэ 105, меньшевикт—97, весе лия делегаттнэ ульнестэ еврейской социал-демократической союзонть — „Бунданть“ пельде („Бунданть“ сех ламотне аштест меньшевиктнень кис), польской ды латышской социал-демократтнень пельде, конат основной впростнень коряс ульнестэ большевиктнень ено.

Весе делегациятне, конат састэ Россиянь промышленной покш центратнестэ—Петербургсто, Московсто, Уралсто, Иваново-Вознесенскойстэ, Польшань промышленной районтнэстэ,—ульнестэ большевицскойкс. Большевицской покш делегациятне жо сакшность, сех пек, Россиянь крестьянской эли ремесленнй районтнэстэ. С'ездэнь большевицской пельксэсэ представлял Россиянь сех икеле молиция, сех революционной ды классово-организованной пролетарийтнень интересэст. Меншевиктнэ жо мекейлангк.

С'ездэнь весе роботазо молюсь истя, што большевиктнэ, конатнень прывтокс ульнестэ Ленин ды Сталин, ветясть а мирямонь бороцямо революциясонть последовательно пролетарской, марксистской линиянь кис. Меншевиктнэ буржуазно-реформистской, оппортунистической линиянь каршо. С'ездэнь изнясть большевиктнэ пролетариатонть революционной бороцямонзо весе основной принципиальной впростнень коряс.

Меншевиктнэ эрва кода бажаст теемс сень, штобу с'ездэнь авольте уле аравтозь революциянь принципиальной впрост, сын бажаст ванстомс чинь було деловой повестканть. Сын а чаркодидилзэ ды эзьт арсеяк чаркодэмс революционной марксистманть се основной положениязо, што „...принципиальной политикась ашти вейкине, алкукс практической политикакс“, што „...кие частной впростнэс кундси теде икеле обштейтнень апак реша, се обязательна эрва эськельксэсэзэ карми эсинэзэ туртов аволь сознательна „эшксевеме“ неть общей впростнэс. Сынст эйс жо сокорсто эшксевемс эрватта частной случайсэнь— значит эсь политиканть кадномс сех берянь лыкамос ды беспринципность“. (Ленин, XI-це том, 271 стр.). Меншевиктнэ виевстэ каршо молемаст лангс апак ванно, с'ездэсэ яла теке ре-

шась истят принципиальной впрост, кода буржуазной партиятнень отношениядонть ды робочей с'ездэньтэ впростосэ.

Буржуазной партиятнень отношениядонть впростонть историянзо ды принципиальной смыслайз Владимир Ильич с'ездэньтэ эсь докладсонзо евтязе истят валсо:

„Буржуазной партиятнень отношениядонть впростосэ ашти принципиальной разногласиятнень центрассо, конат умок уш явизь кавто лагерсь российской социал-демократиянь. Революциянь эщо васень покш успехтнэде икеле эли мик революциядонть икеле, бути можна истя меремс 1905 иеньтэ васень пелевидестэзэ,—ульнестэ уш те впростонть кувалт кавто пеле-пев теевезь мельте. Спормотне сюлмавозель Россиясо буржуазной революциятнень питнень максоманть марто. Социал-демократиянь ютксо кавонест направлениятне вейкедэстэ ловильте, што те революциясь—буржуазной. Но сын а вейкетэстэ чаркодидилзэ те категориянь ды а вейкетэстэ максильте питне сонэзэ эйстэ лисия практически политической выводтнэнень“. (Ленин, XI-це том, 245 стр.).

Меншевиктнэ ловсть, што коли русской васень революциясь буржуазной, сестэ сонэзэ ветиця главной виекскэс эрви улемс буржуазиятнень. Пролетариатонть жо, сех ламо, эрви улемс „крайней оппозициякс“, алкуксонь тевсэ жо— лездеамс буржуазиятнень. Крестьянстванть революционной роленэзэ меньшевиктнэ овси мезексэсэ эзьт лово. Оппортунистической истямо теориянь коряс теезь, меньшевицской (эсинэзэ ламо-чинть коряс) центральной комитетсэс, конат кочказель партиянь икелень—IV-це с'ездэньтэ, ветясь истямо линия, штобу пролетариатонть революционной бороцямонзо ютавтомс либеральной буржуазиянь требованиянзо коряс. Буржуазиянь марто кадетской партиянь единстванзо кис, меньшевиктнэ отказаст мик буржуазно-демократической революциясонть пролетариатонть истят основной лозунгтнэнь эйстэ, кода помещиктнэнь модастсаемасть ды демократической республикань кис бороцямось, тень таркас сын явоялвтызь полновластной думанть лозунгонзо, буржуазной кадетской министерстванть лозунгонзо. Те ульнестэ отказамокс революционной социал-демократиянь программанзо эйстэ ды снартнемакс пролетарской движениянь подчинить буржуазной влияниенень.

Меншевиктнэ оппортунистической линияст каршо Ленин аравтсь русской буржуазно-демократической революциянь оценка-сонзо большевицской, последовательно-марксистской позиция. Сон кортась, што русской революциясь эсинэзэ характернэзэ коряс—буржуазной революция, секс што сон нолдазь самодержавиянь ды крепостнической пережиткатиень каршо. Но те революциясь моли истямо шкасто, зардо пролетариатось эсь призо лови уш основной классокс ды пурнави самостоятельной классовой организацияс. Пролетариатонть ды буржуазиянь ютксо классовой противоречиятне яла седеяк пштилгадыть, тестэ лиси, што революциятнэ весе завоеваниятнень пролетариатонть эривить нолдамс тевс сень кис, штобу виензамс классовой эсь позициятнень буржуазиянь

каршо. Буржуазиясь жо бажи седе вишкалгавтомс пролетариатонть вешеманзо, сон теи мик царизманть марто соглашенияк, штобу пролетариатонть а кадомс буржуазно-демократической переворотонть пеле-пев пачтямо, штобу кемекстамс робочей классонть лангсо эсь господстванзо. Бути кортамс крестьянствадонть, то сон, сень кувалт, што модадонть впростосэ апак решазель ды аштесэ пштитсэ,—бажась тапамс помещичьей землевладениянь ды теемс демократической переворот, секс што ансяк демократиясь может максомс крестьянтенень мода. Неть основной положениятнень эйстэ лисиль ленинской виде лозунгосэ: „буржуазиясь не может улемс революциянь главной двигателекс—как, вождекскак. Пачтямс сонэзэ (революциянь.—Ред.) пеле-пев, допрок изнямос, может ансяк пролетариатось. Но те изнявксось тееви ансяк сестэ, бути пролетариатонть сави ветямс эсь мельганзо крестьянстванть покш пельксэ-нэзэ. Изнямс Россиясо неень шкань революциясь может ансяк пролетариатонть ды крестьянстванть прок революционно демократической диктатура“. (Ленин, XI-це том 246—247 стр.).

Те впростонть коряс большевицской резолюциянь голосованиянзо пингстэ путозель пе с'ездэньтэ вете фракцияс формальна явшеманть (большевикт, меньшевикт, полякт, латышт, бундовецт) ды с'ездэсэ явовсь принципиальной кавто пельксэс: большевикт, конатнень юткс совастэ весе поляктнэ ды сех ламо латыштнэ, ды меньшевикт, конатнень енов ютасть малав весе бундовецтнэ. Сех ламо вайгельсэ с'ездэсэ примизе большевицской резолюциянь.

Меншевиктнэ изнязельтэ робочей с'ездэньтэ впростонть коряскак. Робочей с'ездэньтэ кувалт меньшевицской идеясь нолдазель сенень, штобу организовамс робочейтнень келей с'езд, кона бу теевель реформистской типен легальной робочей партия, кона бу эсинэзэ программанзо ды тактиканзо теевлизе буржуазиянь политической требованиянзо коряс. Те идеясь ветясь сенень, штобу робочей движениянь саемс буржуазной влияния алов. Ленин седе мейле истямо „келей партиянь“ ловсь изнязоронь министрланть лемсэ „столыпинской робочей партиякс“. Те идеясь невтьсэ чиремкшница, аволь кеместэ аштиця мелкобуржуазной элементтнэнь мелест-превст, конат (элементтнэ) ульнестэ революционной движениянь случайной попутчикекс, сын емавтокшнызь революциянь лангс кемеманть.

„Робочей с'ездэньтэ кис социал-демократической партиянь каршо, эли партиянь кис робочей с'ездэньтэ каршо?

Истя аштесэ с'ездэньтэ впростосэ,—сермадсь „Делегатонь сермадовксонзо“ Сталин ялгась (вант „Протоколы пятого с'езда РСДРП“, Партиздат, 1935 ие, XXXI стр.).

С'ездэсэ примизе большевицской резолюциянь, кона робочей с'ездэньтэ идеянь ловизе зыяновкс, антипартийнойкс. Мик меньшевицской фракциясонть робочей ламо делегаттнэ эзьт кепедекшне кедь меньшевиктнэнь предложенианть кис.

Троцкий, аволь фракционностте валтнэнь эшкс кекшезь, алкуксонь тевсэ весе впростнэнь коряс уль-

нестэ меньшевиктнэнь ено ды ветясь виев бороцямо Ленинэнь каршо, большевиктнэнь каршо. Сон с'ездэньтэ снартнестэ эсинэзэ перька пурнамс весе кавтолдыця элементтнэнь, сынст эйстэ теемс „центра“ сень кис, штобу седе пек кекшезь ды седе пек опасной приемсо ванстомс меньшевицской оппортунистической идеятнень. Сон кортась революциянь принципиальной впростнэнь с'ездэньтэ толковамодо большевицской предложениятнень каршо. Но меньшевиктнэ те сех мерзкой типенть, кона ней азаргали оголтелой фашистской контрреволюциянь лагерьсэ,—сонэзэ весе проистнэнь Ленин ды Сталин сестэ жо таргизь лангс.

Польской ды латышской социал-демократнэ ветеце с'ездэньтэ эзьт ульне последовательна большевицской позиция лангсо. Сынст кавтолдомаст кувалт, кой-кона впростнэнь коряс, примеркс, меньшевицской ЦК-нть отчетонзо коряс большевицской резолюциятне с'ездэньтэ эзьт ульне примазь. Но резолюциянь весе основной принципиальной впростнэнь коряс лондонской с'ездэньтэ изнясь большевицсэсэ. 1924 иень январень 28-це чистэньтэ кремлевской курсантнэнь чокшнесэнь лондонской с'ездэньтэ кувалт ледстнезь, Сталин ялгась кортась: „мон сестэ васеньцеде Ленинэнь неия изнициянь рольсэ. Обычна изнявксось чаракатни кой-кона вождытнень прят, тейни эйстэ заносчивоекс ды прянть шныцякс. Истят случайтнесэ сех седейтэ кармистэ изнявксонть шнамо, мельс паросо эсь прянть оймавтнеме. Но Ленин овси эзьт ульне истят вождытнень кондымо. Мекейлангк, самай изнявксостэ мейле сон теевиль седеяк пек бдительнойкс ды настороженнойкс. Мельсэнэ ашти, кода Ленин кеместэ кортась сестэ делегаттнэнень: „васень-тев—пек а кенярдомс изнявксонть ды прят ашнам; омбоце те—кемекстамс изнявксонть; колмоце—пеле-пев тапамс противникенть, секс што сон ансяк чавозь, но ламодо эщо апак тапа“. Сон пек пеелесэ сеть делегаттнэнь, конат шожды превсэ арсезь кортнестэ, што „ней меньшевиктнэнень путозь пе“. (Сталин, „Ленинде“, Партиздат, 1937 ие, 29 стр.).

Центральной Комитетэнтень с'ездэньтэ сех ламо кочказельтэ большевикт. Теде башка, с'ездэньтэ прядовомадо мейле большевицской фракцияньтэ промкссо теезель самостоятельной большевицской центра. Большевиктнэнень икеле пелев эрвась ветямс виев покш бороцямо од типень партияньтэ кис.

Ленин марто ве лув, V-це с'ездэньтэ делегатось Сталин ялгась „Делегатонь сермадовксонзо“ ды „Бакинский пролетарий“ газетасонть зярва статьясонзо (1907 иень июль) макссь марксистской томка оценка с'ездэньтэ итогтнэнень ды лангс таргизе меньшевицманть ды трокизманть предательской сущностест. Сталин ялганть неть статьятнень покшол рольст меньшевицманть тапамонь тевсэнтэ.

Большевицской партиясь тапинзе ды партийной рядтнэстэ допрок панинзе кода меньшевиктнэнь ликвидатортнэнь, истяжо отзовистнэнь-гак („мекейлангк ликвидатортнэнь“) ды Ленинэнь—Сталинэнь ветямост коряс 1917 иень Октябрыстонть Россиянь робочей классонть пачтизе социалистической революциянь изнявксос.

ВАНСТОМС КОМСОМОЛЬСКОЙ ДОКУМЕНТНЭНЬ

Комсомольской документнэнь беряньстэ ванстомась ашти преступлениякс организациянть икеле. Комсомолецтнэ, конатне небреж-нойстэ ванстыть эсист комсомольской билетэст, сеть лездыть клас-совой врагонтень комсомолс сова-мо.

Секс эрва комсомолецэс кан-ды покш ответственность комсо-мольской билетэнь емавтоманть кис. Истямо эрва случаенть эр-ви седе парсте ванномс комсомо-лонь первичной организациянть промкссо ды седе вадрысто ловомс весе условиятнэнь, конатнесэ емавтозь билетэс.

Саран ошонь ВЛКСМ-нь органи-зациясонть комсомольской доку-ментнэнь ванстомась ашти берянь-стэ. 1937 иестэ ВЛКСМ нь горко-мось ванномс 18 комсомолецэнь заявляният комсомольской биле-тэнь емавтомато. Нейгак горкомсо аштит 15 заявляният текенъ жо кувалт.

Кить неть комсомолецтнэ ды ко-да емавтызь эсист билетэст? Вана пединститутонь комсомолкась Леоньевская, конась эсинэз биле-тэнэ киртнесь канвертсэ, а эр-викс конев ютксо ды атак фатя пултызе печькасо. Горкомс мак-созь заявляниясонзо сермады, што сон а соды ков емась билетэзэ. Голоушкина комсомолкась (рес-публиканской ДТС) истя жо а соды, козонь емавтызе комсомоль-ской билетэзэ.

Но кода жо комсомолонь органи-зациятне ды ВЛКСМ-нь горко-мось ваннать билетэнь емамонь эрва конкретной случаенть? Эр-ви меремс, што ваннать формаль-нойстэ, истят конкретной случай-тнэстэ а теить ды а невить урок весе комсомолецтнэнь.

Вана рабфаксо колмо комсомо-лецт—Сурков, Киреев ды Облонов емавтызь билетэст. Комсомольской организациянть промкссо неть ком-сомолецтнэнь коряс теить пу-товкс: „Билетэнтень халатной от-ношениянть кис максомс предуп-реждения Киреевнэнь, Сурковнэнь, Облоновнэнь ды энялдомс ВЛКСМ-нь горкомонть икеле сы-нест дубликатонь максоманть ку-валт“.

Те невити, што неть комсомолец-тнэ, конат емавтызь билетэст эзизь чаркоде ды истямо реше-ниядонть мейлеяк а чаркодить, што комсомольской билетэнт эрви ванстомс парсте ды кант-лемс эрвикс таркасо.

Ошонь комсомольской органи-зациясонть истямо положениась кармавты, штобу комсомольской организациясонть ютавтомс еди-ной союзной чи комсомольской билетэнь ванстомань вопросонть коряс.

Эрви, штобу эрва комсомо-лецэс чаркодевлize эсинэз ответ-ственностенэз комсомольской биле-тэнтъ кис, кона ашти политиче-ской организациянть документэкс.

Г. Левин.

Допризывниктнэнь а тонавтыть

Березникень район. Гузынца велесэ улить 20 допризывникт, конатне бажить максомс ГСО, ПВХО, ГТО-нь значоктнэнь лангс норматнэнь, но сынст ютксо кияк а вети истямо работа.

Сынст ютксо истя жо а ветить культурно-массовой работа. Ламо допризывникт а маштыть серма-домо ды ловномо, сынст эйсэ а тонавтыть.

Ваныця.

СЕДИКЕЛЕНЬ НАРОДНОЙ МОРО ПИЖЕ САДТНЭСЭ

Вай, пиже садсонть,
Вай, мазый садсонть
Колмо чувтт касыть.
Васенце чувтось
Ашо килейне,
Омбоце чувтось
Якстере пиче,
Колмоце чувтось
Сэпей лебеда.
Вай, васень чувтсонть
Куко кукорды,
Омбоце чувтсонть
Цеков чоледи.
Вай, аволь куко
Тосо кукорды.
Вай, аволь цеков
Тосо чоледи.
Вай, мазый тейтерь
Тосо аварди.
— Ах, тон тейтерь
Мейсь авардят?
Забавница
Мейсь авардят?

— Ах, тон цера,
Бояр цера
Сельмень а неить.

Ах, тон цера,
Бояр цера
Пильгень а молить.

— Ах, тон тейтерь
Забавница,
Евтык тон тень
Мейсь авардят?

— Ах, тон цера,
Бояр цера
Тетям максымим.

— Ах, тон тейтерь
Забавница,
Кинень максынзеть?

— Ах, тон цера,
Бояр цера,
Монськак а содан

Седикелень тейтерьтнэнь ста-ка эрямодост прававтомо-чидест те моронть евтинэз У. Шанькина ды М. Кузнецова. Сермадызе А. Тюкин. Дубенкань район

— о о о —

Карматано фольклоронь пурнамо!

Маень 8-це чистэнтэ „Ленинэнь киява“ газетасонть печатазель Н. Симдяновонь заметказо, косо сон терди фольклоронь пурнамо. Мон тень лован пек видекас ды нейке жо кундан те теветень ды уш сермадань вейке моро.

А. Тюкин.

Дубенкань район.

„Ленинэнь киява“ редакциянть ды Симдянов ялганть тердемаст коряс мон кизэнь каникулань шкастонть карман эрзянь фольклоронь пурнамо. Минек велесэнтэ улить ла-мо сыре ломанть, конат содыть эрзянь морот, евкст ды лият. Мо-нень Г. И. Кучаев евтнесь пек па-ро евкс „Бояр ды сонзэ роботни-кезэ“. Сонсь те атысь сырель уш ды кулось. Мон ней сонзэ евтневт евксонть сермадса, мельсэнъ пар-сте ашти. Дяров Александр.
Атяшевонь район, Козловка веле.

Шугурова велень комсомолец-тнэ, пионертнэ ды тонавтиянть ловнызь „Ленинэнь киява“ газета-стонть тердеманть седе, штобу кармамс эрзянь народной моронь ды евксонь пурнамо. Ламот евтызь эсь мелест кундамс ды кой-кить ней уш кундасть те теветень.

Ф. Потапов.

Березникень район.

Мон „Ленинэнь киява“ газетас-тонть сыре бабам марто ловнызь фольклоронь пурнамо тердеманть. Бабам тень мерсь, што сонгак ла-мо евкст ды морот соды. Мон сонзэ валсто секе чистэнтэ жо сермадынъ седикелень марто „Сю-пав мокшо“ ды кучия редакцияв. Фольклоронь пурнамо карман седе товгак.

Семенов П. И.

Шугурова,
Березникень район.

Сидоровань скалонзо

Ардатовань „Путь Ильича“ кол-хозсонть скотинань трямо-рашта-монь фермась организоваз 1930—1931 иетнэстэ. Те шкас сон ике-лень коряс пек седе покшолгадсь. Фермасонть кассть колхозонь знат-ной ломанть.

Весе колхозниктнэ содасызь Си-дорова Анна Ильинична ялганть ды сонзэ почетной роботанзо. Си-семце не уш Сидорова ялгась ро-боты фермасонть скалонь потяв-тыцякс 1935 ды 1936 иетнэстэ паро роботань кис получацшнось Мокшэрзянь республиканть пельде кавто казнеть. Ламоксть казекш-низ районной организациятне ды колхозось.

Зярдо кармась Сидорова ялгась МТФ-нть роботамо, сонензэ ке-мекстакшнось берянь скалт. Сон, мелягаст парсте яказь, скалтнэнь теинзэ сех справнакс. Мейле неть скалтнэнь кемекстызь лиянэнь, со-нензэ таго макссть берянь. Сидо-рова ялгась эщо седеяк пек кар-мась скалтнэнь кис мелявтомо, эй-сэст андомо ды симдеме. Таго бе-рянь скалтнэнь теинзэ справнакс.

Сонензэ кемекстазь скалтнэнь сталмост покшолгады иестэ нес. Мик тедидак, зярдо коромонь коряс вастневкшнось стака-т ды лия потявтыцятнэнь ска-лост седе тошямсть, — Сидорова ялганть кемекстазь скалтнэ ютась иедентькак седе справнат кармасть уleme. Вана примерт: „Милошка“ скалонть сталмозо 1936 иестэнтэ ульнесь 413 кило-граммт, то ней—440 килограммт, „Боярка“ скалонть сталмозо ме-лят—450 килограммт, те иестэнтэ жо—518 килограммт ды истя ма-лав весе скалтнэнь сталмост кассь.

Сидорова ялгась ловсоак лият-нень коряс потявтыцны седе ла-мо. Сонзэ „Белянка“ скалось эр-ва чистэ максни 16 литрат ловсо.

Сидорова ялгась сайсь эсь лан-гозонзо обязательства, штобу те иестэнтэ эрва скалонть пельде по-лучамс 3.500 литрат ловсо.

Сидорова ялганть кемекстазь скалтнэнь эйстэ те иестэнтэ ва-зыасть уш 10, ней эщо вейке скал вазыамо лангсо. Весе вазтнэ шумб-рат ды справнат. Роботамонь иет-нень перть Сидорова ялгась эзь куловто вейкеяк скал, вейкеяк ваз.

Мекс истя Сидорова ялганть скалонзо весе фермасонть сех справнат, ловсоак максить лият-нень коряс седе ламо? Секс, што Сидорова ялгась парсте яки скалт-нэнь меляга, вети вадря уход, ме-лявты кисэст. Сон зярдоак скалт-нэнь а симдякшны кельме ведте. Концентрированной ды лия кором-тнэнь Анна Ильинична а максне-сынзе сразу, кода тейнить лиятне. Сынъ ваясызь весе коромонть ды скалтнэ кармить эйсэнь эртнеме. Сидорова ялгась секе теваки скалт-нэнь юткова, коромонть максы истяня, зярдо эрви. Скалтнэнь ан-дома ды удсема таркатнэнь Сидо-рова ялгась урядакшносынзе чи-стэ кавксть—колмоксть.

Сидорова ялгась „Белянка“ ска-лонзо анокстызе сенень, штобу тедидак сонзэ кучомс велень хо-зяйствань Весесоюзной выставкан-тень. „Белянка“ сталмозо 1935 иестэнтэ ульнесь 484 килограммт, ней уш 558 килограммт.

Сидорова ялганть пельде ули мезес тонавтнемс „Путь Ильича“ колхозонть ды истя жо лия кол-хозтнэва МТФ-сэ скалонь потявты-цятнэнь.

Г. Юртаев.



Пенькоджутовой комбанатсо (Саранск) сермас асо-дыцятнэненъ ды аламодо содыцятнэненъ панжстъ школа.

СНИМКАСОНТЬ: Бискаева ялгась тонавты сермас аламодо содыцятнэненъ эйсэ. 110

Оборонань наркоматсонть

Правительстванть путовксонзо коряс ловозь эрвиксэкс теэмс военной округнэсэ Военной Советт, РККА-нь частьнэсэ, управлениянэсэ ды учреждениянэсэ жо — военной комиссаронь институтт.

Правительстванть путовксонзо коряс Оборонань Народной Комиссаронть васень заместителикс назначазь Советской Союзонть маршалось Егоров А. И. ялгась. Оборонань наркоматось Егоров ялганть олакстомтызе Генеральной штабонть начальникенъ должностьстэнтъ.

РККА-нь Генеральной штабонть начальникекс назначазь 1-це рангонь командармась Шапошников Б. М. ялгась.

1-це рангонь командармась Якир И. Э. ялгась назначазь Ленинградской Военной округонть войскачненъ командующеекс.

Советской Союзонть маршалось Тухачевский М. Н. ялгась назначазь Приволжской Военной округонь войскачненъ командующеекс.

„Мокшэрзянь республика“

Ульнестъ уш максозь МАССР-нь Конституциянь проектэнтень витевкст. Вейкесь сынт ютксо ульнестъ седе, штобу „Мордовской республика“ валтнэнь таркас Конституциянтень теэмс „Мокшэрзянь республика“. Бути рузкс а кода ули теэмс „Мокшэрзянская республика“ (те бу пек эриволь), се-стэ монъ койсэ эрзянь ды мокшонъ кельсэ кармакс сермадомо: „Мокшэрзянь“, но аволь „Мордовской“ республика.

П. Косынкин.

Саранск.

А содасызь эсинек Конституциянтъ проектэнзэ


Фельдшерско-акушерской школы (Саранск) специальной частью СССР-нь Конституциянтъ ды Сталин ялганть докладонзо тонавтичненъ.

Занятияне ютнить а беряньстэ. Но тосо эзизь ловнояк, эзизь толковаяк эсинек, Мокшэрзянь республикань Конституциянтъ проектэнзэ. Комсомолонь организациясь а лови эсинзэ тевекс сень, штобу тонавтичненъ ютксо толковамс МАССР-нь Конституциянтъ проектэнзэ. Улевельдеря ютавтозь толковамось, зярря тонавтичнат максовольть проектэнтень витевксткак, поладксткак. Косынкин.

МАССР-нь Конституциянь проектэнтъ эзизь толкова

Мокшэрзянь рабфаксо (Саранск) студенттичненъ ютксо МАССР-нь Конституциянь проектэнтъ те шкас яла эзизь толкова. Дирекциясь, парткомось ды комсомольской организациясь нейгак яла ансяк сыр-гисит кундамо те тевентень. Но сыр-сесматне меныгак лезэ мекс бути а максить.

П.



СНИМКАСОНТЬ: мятежникичненъ „Эспанья“ линкорось, конанъ ваявтызе испанской правительственной авиациясь. (СОЮЗФОТО).

ИСПАНИЯНЬ ФРОНТТНЭСЭ

Бискайской (пелеве ено) фронтсонть фашистской войскачненъ ма-ень 12-це чистэнтъ таго атаковизь республиканской позициянтень Сальюве пайдонть маласо таркатнева (Бильбаонть эйстэ пелеве енкс марто чи лисима ено), но сынъ, фашистской войскачненъ пачезельть, сынт ютксо ламот маштозь ды ранязь. Республиканской эскадрильяне бомбардировизь противникэнтъ позициянзо, тейстэ ламо тапавкс. Германской 6 самолетт вейке часонъ дерть ливтнестъ Бильбаонть вельжска, ошонть зярря таркас ертстэ ка-

лавтыця-тапича покш вьерь бомбат.

Центральной (мадридской) фронтсонть республиканецтнэ аштитъ Толедо ошонть эйстэ ансяк вейке вайгельпенъ туру седе ве ено. Толедо ошось ашти Мадридэнтъ эйстэ 75 вайгельпенъ туру пеле чи енкс марто чи валгома ено. Республиканецтнэ артиллериясь ды пулеметсо леднить Толедонть лангс. Республиканецтнэ леднить, примеркс, толедской оружейной заводонть лангс, конанъ уш ламо-до калавтызе-тапиче республиканской артиллериясь. (ТАСС).

ФАШИСТСКОЙ ГЕРМАНИЯНТЬ ШПИОНСКОЙ СЕТЕЗЭ

„Дейли Геральд“ английской газетась сермады, што фашистской Германиясь Европосо тейсь шпионской организациянтень келей сеть. Нетъ шпионской организацияне нолдазь Советской Союзонть каршо.

Газетась сермады: „Германской весе шпионтичненъ штаб-квартиракс ашти Берлинсэ германской генеральной штабонть колмоце (разведывательной) отделениясь,

конанень средстват нолдтнить истя жо ламо, кода Германской военной эрвата организациянтеньгак.

Шпионской организациянтень разведывательной системасонть ней теевикс отделениясь, кона вети СССР-сэ шпионажонть, ашти пек покшокс. Те отделениянтъ управлениязо Кениксберг ошонть (Восточной Пруссиясь)“.

(ТАСС).

Туво мельга парсте якиця

Чамзинкань район. Хлыстовка велень „Красный Октябрь“ колхозсо Пескарев Андрей туво мельга якицякс роботы колмоце не. Со-нензэ кемекстэзэ 9 свиноматка-ды вейке производитель.

1935 иестэ эрва свиноматкась максысь 18 вадры туво левкст. Весемезэ, бути саемс среднейстэ, тувонь фермась сайсь 16 туво левкст эрва авака тувонть пельде.

1936 иестэ Пескарев ялгась таго сайсь 18 туво левкст эрва авака тувонть пельде. 1937-це иестэ Пескарев ялганть роботамонь ре-

зультатонзо истят жо вадрыт. Колмо иень роботанъ перть сон а соды вейкеяк тувонь кулома.

Сон тонавти зоотехниканть. Сонзэ вейке авака туво ды вейке производитель ульнестъ райононь вельхозияствань выставкас, косо Пескарев ялгась получизе васень гремиянтъ. Ней сон аноксты тувот вельхозияствань Всесоюзной выставкас.

Парсте роботамонть кис Пескарев ялгась а вестъ ульнестъ преми-ровазь колхозонь правлениянтъ пельде.

Калеев.

Вечксызь эрзянь литературанть

Бути кармат Косогор велень колхозниктичненъ ютксо кортнеме эрзянь литературадонть ды лед-стят кодамояк писатель, сеске ма-рят кияк пшкади: „Минь сонзэ лов-нынек, а беряньстэ сермады“. Кияк а корты седе, што эрзянь кельсэ а мезе ловномс эли а чаркодеви. Рузонь художественной литерату-

ранть марто ве шкане колхозник-тнэ покш мельсэ ловныть эрзянь литературантькак.

Эрзянь литературанть сех пек вечксызь ды ловныть од ломань-тне, учительтне ды тонавтичтне.

И. Агапов.

Покш Березникень район.

Мордовиясо теевить 7 од районт

Маень 10-це чистэнтъ М. И. Ка-линин ялганть председательстван-зо коряс ульнестъ ВЦИК-нь пре-зидиумонть заседания. Те засе-даниясонть, лия вопроствнэнь ван-номадо башка, примазь путовкс Мокшэрзянь АССР-сэнтъ од рай-онтичненъ теемадо. Республикасонть кармить улеме теезь сисем од районт: Атюрьевской, Вертелим-ской, Козловской, Ладской, Пур-дошанской, Старо-Синдровской ды Шеренгушской.

— 000 —

ЗЯРДО МАКССЫЗЬ КАЗНЕНТЬ

Чамзинкань район. Мокшалай велень аволь полной средней школысо отличносто тонавтичтне Октябрьской революциянь праз-дникстэ ульнестъ казезь ярмаксо. Но нетъ ярмактнэнь те шкас эзизь максо тонавтичтнэненъ.

Школань директорось Трошин ды завучесь Девяткин нетъ ярмак-тичненъ симизь винас.

Тонавтичнат.

— 000 —

Ютавтозь васень лекция

Маень 8-це чистэнтъ „Ленинэнь киява“ газетасонть сермадозель седе, што Чамзинкань средней школысонть арась антирелигиозной робота. Заметкасонть евтазь весе фактнэ видетъ. Комсомолонь органи-зациясь кундась тевс. Маень 13-це чистэнтъ ютавтозь васень лекция седе „Косто саевсь ине-чись“. Лекциянтъ теизе Портв ялгась, пурнавкшностъ 250 ло-манть.

Тонавтичтнэ мерсть, штобу аймакс те ушадксонть лангс, икеле пелавгак ютавтнэме лек-цият ды докладт антирелигиоз-ной темас.

И. С.

— 000 —

Васень тарканть саизе „Динамо“

Маень 12-це чистэ Саранскойсэ ульнестъ чиёмань эстафета „Крас-ная Мордовия“ газетанть лемсэ переходящей призеянт лангс. Эста-фетасонть примастъ участия малав 100 ломанть „Динамо“то, „Спар-такс“то, рабфаксто, педучилища-сто, пединститутсо, котонинной фабрикасто ды физкультурной лия коллективтнэстэ.

Те эстафетасонть васень тар-канть саизе „Динамо“ физкультур-ной обществась. (МТАСС).

— 000 —

Критикань лепштиця

Саранск. Фельдшерско акушер-ской школысо профкомонь предсе-дателесь Тюмофеев Вася омбоце не роботы, но те шкас вестьяк эзь тейне отчет эсинзэ кочкиян-зо икеле.

Эрви меремс, што Тюмофеев роботы беряньстэ. Сон лепшти критиканть ды самокритиканть. Тонавтичтнэ натой пелить сонзэ кувалт сермадомс стенной газетас.

Школасонть арась кодамояк культурно-массовой робота. Проф-союзонь ламо члентнэнь омбоце не арась профбилетэст. Профкомось истя жо кодамояк мель а яви доб-ровольной организациянтень лангс.

Тонавтичнат.

Отв. редакторось М. ЛЮБАЕВ